

ԵՐԱԺԻՇՏ ԿԱՏԱՐՈՂՆԵՐԻ ՔԱՆԴԱԿՆԵՐ XII—XIII ԴԴ.
ԽԱԶՔԱՐԵՐԻ ՎՐԱ


Գ. Հ. ԿԱՐԱԽԱՆՅԱՆ

Հայ մատենագրության մեջ սակավ են երաժշտական գործիքների ու երաժիշտ կատարողների մասին վկայությունները: Այդ բացը մասամբ լրացնում են հնագիտական նյութերը, ինչպես նաև մանրանկարչությունը: Պեղումներից հայտնաբերված նյութերն արժանացել են մասնագետների ուշադրությանը¹: Ինչպես հայտնի է, Սեանա լճի ափամերձ Մովակ գյուղից հայտնաբերվել է եղջերափող, իսկ Կարմիր բլուրում՝ ծնծղաներ: Քնարի, շնչական երաժշտական գործիքների վրա կատարող նվագածուների քանդակներով է զարդարված էրեբունիում հայտնաբերված մ. թ. ա. V դ. ուտոն-եղջերազավաթը: Լարային գործիքի պատկերով երաժիշտների տեղակայության արձանիկներ են գտնվել Արտաշատ քաղաքատեղիում, ջութակահարի պատկերով ապակե սրվակ՝ Դվինում, ոսկրե սրինգներ՝ Գառնիում և Դվինում: Շեփոր է վերարտադրված Գեղարդի XIII դ. վիմափոր եկեղեցու բեմի և Մշո Առաքելոց եկեղեցու քանդակազարդ դռան վրա, Մաշտոցյան Մատենադարանի XII—XVI դդ. մանրանկարներով զարդարված ձեռագրերի էջերում: Նվագարանների ձևը, կառուցվածքը հարազատորեն արտապատկերված են միջնադարյան մի շարք քարե քանդակներում:

Հայ երաժշտական մշակույթի ուսումնասիրության համար հետաքրքիր է Սյունիքի Պառավաձոր հնավայրում գտնվող խաչքարը: Պահպանվել է խաչքարի միայն մի մասը. խաչի հորիզոնական թևի ստորին մասը՝ խորաքանդակ, ծաղկազարդ, հյուսվածքաձև վերջավորություններով, և ստորին թևը (նկ. 1, 2): Խաչքարի ձախ կողմի հատվածում պատկերված է բամբուլ (փանդիո) ձևերի նվագասաց գուսան: Քանդակագործը հիմնականում պահպանել է մարդու մարմնի մասերի համաչափությունը: Համեմատաբար լավ է մշակ-

¹ Б. Б. Пиотровский, "Армир-блур, 1, Ереван, 1950, стр. 54, 4. Ղ ա ֆ ա դ ա Ր յ ա ն, Դվին քաղաքը և նրա պեղումները, Երևան, 1952, էջ 72, Р. Джанполадян, "Стеклянный сосуд из Двина («Краткие сообщения Института истории материальной культуры АН СССР», вып. 160, 1955, стр. 120—124), Б. Н. Аракелян, Гарин, II, Ереван, 1957, стр. 75, Հ. Ջ ա ն փ ո լ ա դ յ ա ն, Դվինի պեղումներից հայտնաբերված ապակե սրվակ (Հայաստանի պետական պատմական թանգարան, «Աշխատություններ», № V, Երևան, 1959, էջ 149—150), է. Խ ա ն զ ա դ յ ա ն, Հայկական հին երաժշտական գործիքներ (Հայաստանի պետական պատմական թանգարան, «Աշխատություններ», № V, էջ 63—93), А. М. Цицикян, Редкое изображение древней скрипки (ЗУУՀ ԳԱ «Տեղեկագիր», (հաս. գիտ.), 1960, № 2, էջ 79—80), և ու յ ն ի, «Древние истоки армянской смычковой культуры» (ЗУУՀ ԳԱ «Լրաբեր», 1966, № 1, стр. 37—48), Б. Н. Аракелян, Клад серебряных изделий из Эребуни («Советская археология», 1971, № 1, стр. 143—157), Ф. И. Тер-Мартirosов, Терракоты из Арташата (ЗУУՀ ԳԱ «Լրաբեր», 1973, № 4, էջ 82—91), А. Л. Оганесян, Музыка в древней Армении («Պատմա-բանասիրական հանդես», 1973, № 2, էջ 61—76):

ված գուսանի դեմքը, պարզ նշմարվում են աչքերը, հոնքերի աղեղները, քիթը և բերանը։ Քանդակագործը ձգտել է վերարտադրել նույնիսկ դեմքի առանձին մասերի ծավալը, սակայն մարմինը և ոտքերը ստացվել են տափակ, մասամբ սխեմատիկ։ Հիանալի է վերարտադրված շարժումը։ Բամբուկի սի-



Նկ. 1. XIII դ. խաչքար (Պառավաձոր)։

մերին հպած նվազասացի ձախ ձեռքը, լայն բացած մատներով, շեշտում է երաժշտական գործիքի լարերին դիպչելու նրա հակումը։ Այդ ձեռքի մատները բամբուկի սիմերին դրված լինելը առավել ակնառու է դարձրել այն, որ պատկերվածը երաժիշտ-կատարող է։ Հետաքրքիր է նվազածուի զգեստավորումը։ Գլխին ունի սրածայր գդակ, որի ականջակալները հասնում են ուսերին, պա-

րեգոտը իջնում է ծնկներից ցած, ոտքերին՝ սրածայր մուճակներ։ Խաչքարի վրայի քանդակը հնարավորություն է տալիս պատկերացում կազմելու նաև բամբիռի կառուցվածքի, ձևի մասին։ Գործիքի դուշը թիակաճաման է, բավա-




Նկ. 2. XIII դ. խաչքարի գծանկար (Պառավաձոր)։

կան երկար։ Նվազարանի առանձին մանրամասները՝ երեսի ձայն-անցքերը քանդակի վրա չեն տրված։ Գործիքի գրիֆը՝ պարանոցը կարճ է ու լայն։ Բացակայում են ձայնաշարերը (փարդաները), գլխիկի մանրամասները, լարիչ ահանջները։ Սակայն գուշի և գրիֆի վրա որոշակի նշմարվում են քառադի բամբիռի մեկոդիկ լարերը։ Գուշի և գրիֆի ստորին մասից կախված է նվա-

գարանը ուսելու պարանը: Խաչքարի աջ կողմի համանման հատվածում թվականն է՝ ԹԻՆ. ՈՀ. (1221 թ.) էՐ: Կոթողի վերին, չափահասված մասը շրջանակավորված է եղել զարդապատկերներով, որոնց աննշան մասն է պահպանվել՝ խիստ հողմնահարված վիճակում: Մեր կարծիքով, այս խաչքարը որևէ հայտնի նվագասաց-գուսանի հիշատակի համար է:

Պակաս ուշագրավ չէ վերը հիշատակված կոթողից մի քանի կիլոմետր հեռավորության վրա գտնվող XII դ. մեկ այլ՝ մեջտեղից երկու կես եղած, գեղաքանդակ խաչքարը: Կոթողի բարձրությունը (առանց պատվանդանի) 120 սմ է, լայնությունը՝ շուրջ 80 սմ, հաստությունը՝ 13 սմ: Խաչքարի միջնամասում խաչի զարդաքանդակ պատկերն է: Վերին թևի երկու կողմերից, դեպի խորք թեքվածքով, քանդակված են խաղողի ողկույզներ: Խաչքարի ստորին մասը եզրափակվում է արմավենաձև զարդաքանդակի երկու ճյուղերով, որոնց վերին ծայրերն ավարտվում են իրար վրա դրված վարդյակներին երկու ուռուցիկ պատկերներով: Խաչապատկերի վերին՝ հորիզոնական և ուղղահայաց՝ կողմնային մասերը շրջանակավորված են երկթել հյուսվածքով, ուղղանկյունաձև զարդաքանդակներով: Հյուսվածքների կենտրոնում տեղադրված են փոքր, ուռուցիկ վարդյակներ: Խաչքարի ստորին, կենցաղային պատկերաքանդակներ ունեցող հատվածը բավական հողմնահարված է: Խախտելով խաչքարի կերպավորման կանոնիկ սկզբունքները, քանդակագործն այստեղ պատկերել է աշխարհիկ տեսարան (նկ. 3, 4): Խաչքարի այն հատվածում, ուր ռովորաբար տեղադրվում են բուսական, երկրաչափական զարդաքանդակներ, զետեղված է հեծյալ ռազմիկի հետաքրքրական քանդակ: Աջ կողմում, հավանաբար, վերարտադրված է ծալապատիկ նստած կին երաժշտի պատկեր: Բոլոր պատկերներն իրենց բնույթով հարթաքանդակային են: Հեծյալը վերարտադրված է դիմացից, սրածայր գդակով, որի ականջակալները հասնում են մինչև կուրծքը, իսկ վերնագգեստը՝ մինչև ծնկները: Նրա գոտուց կախված է տապար, իսկ ձեռքին կա նիզակ: Նժույգի գավակին նշմարվում են գորգի եզրագծեր: Զիու առջևի հատվածը և ոտքերը մասամբ հողմնահարված են: Երաժշտի դեմքը պատկերված է դիմացից և դիմային մասը շրջափակող գլխաշորը գոգավոր ձևով իջնում է կրծքի վրա: Աջ ձեռքով, հավանաբար, բռնել է ջութակի հիշեցնող գործիք, իսկ ձախ ձեռքը տարել է դեպի ձախ: Քանդակագործի կողմից զարդակազարդ (տրաֆարետ) ոչ ճիշտ տեղադրվելու հետևանքով, աջ ու ձախ կողմերը խառնվել են: Հեծյալի քանդակի երկու կողմերում, խաչքարի շրջանակին կից, ինչպես նաև հեծվորի երկու կողմերում տեղադրված են վարդյակներ: Ուշագրավ է խաչքարի արձանագրությունը, որն ավանդում է, թե այն կանգնեցվել է 1194 թ. Աբահեյի որդի Վասակի կողմից՝ իր եղբայր Հասանի հիշատակին: Կնոջ պատկերի մոտ հիշատակված է հանգուցյալ Հասանի մոր՝ Խուշուշի անունը: Բերում ենք արձանագրությունն ամբողջությամբ. ԹԻ. ՈհԳ. [1194] ԵՍ ՎԱՍԱԿ ՈՐԴԻ ԱԲԸԼ-ՀԵՋԻ ԿԱՆԳ[Ն]ԵՑԻ ԽԱԶ[Մ] Ի ՎԵՐԱՅ ՏԱ[ՊԱ]ՆԻՆ ԵՂԱԿԻՐ ԻՄՈ ՀԱՍԱՆԱՅ ԱՄ ՈՂՈՐՄԻ ԳՈՐԾՈՂԻՆ. ԽՈՒՇՈՒՇ ՄԱՅՐ ՀԱՍԱՆԱ. Խաչքարի վրա զարդակազարդ ոչ ճիշտ տեղադրված լինելը թեև կասկած չի հարուցում, սակայն քանդակի հողմնահարված լինելու հանգամանքը տեղիք է տալիս տարակուսանքի. այն հնարավորություն չի ընձեռում, առանց վերապահության, պնդելու քանդակապատկերի երաժիշտ լինելը: Եթե հետագա ուսումնասիրությունը



Նկ. 3. XII դ. խաչքարի ստորին մաս:



Նկ. 4. XII դ. խաչքարի մաս:

հաստատի մեր ենթադրությունը, ապա կունենանք կին երաժշտի եզակի քանդակ՝ խաչքարի վրա:

Երաժշտական գործիքների պատկերումը խաչքարերի վրա հավաստում է միջնադարյան Հայաստանի բնակչության կենցաղում լարային նվագարանների տարածված լինելը: Սազի նախատիպը հանդիսացող րամբուրի քանդակի առկայությունը 1221 թ. խաչքարի վրա, բնակչության ամենատարբեր խավերի շրջանում այն ամենատարածված երաժշտական գործիքը լինելու վկայությունն է: Այդ քանդակները ոչ միայն ընդլայնում են միջնադարյան երաժշտական գործիքների մասին մեր իմացությունները, այլև հնարավորություն են տալիս հասու լինելու երաժշտական կենցաղի այն իրողություններին, որոնք չեն ավելնդվել հայ մատենագրության մեջ և վիժական արձանագրություններում:

РЕЛЬЕФЫ МУЗЫКАНТОВ-ИСПОЛНИТЕЛЕЙ НА ХАЧКАРАХ XII—XIII вв.

Г. О. КАРАХАНЫАН

Р е з ю м е

В матерпальной культуре средневековой Армении встречаются памятники, на которых воспроизведены рельефы музыкантов-исполнителей или музыкальных инструментов. Однако до сих пор изображение музыкантов не встречалось на хачкарах. В этой связи значительный интерес представляют два хачкара, обнаруженные в Сюнике. В Паравадзоре и в трех километрах от него найдены два хачкара XII—XIII вв., на месте щита которых имеются изображения музыкантов, играющих на струнных инструментах.